

股志 539

陝西

潼

關

縣

志

中華民國二十年四月



縣長羅傳甲題簽

地
170.159
132.1
21-2
三

重刊潼關縣舊誌序

徵史莫詳於邑乘縱文獻異籍而考信探源攸關治理故近世遂有保存古物文化之典亦從政者所應視爲不容緩者夫觀水有術必觀其瀾因一縣之典章而適所損益當根其從則舊志尙矣潼關地扼三秦門戶文化轉輸咽喉而形勝所關尤佔有深長歷史過客每博覽山川咨詢碑碣憑弔滄桑輒低迴留不能去余惟撫今追昔人有同情而敷化當溯厥漸考史罔若徵志自民十九年冬奉命來權斯邑從政之暇輒商詢邑父老謀所以地方沿革暨夫風教所由慨然曰進有與尉退有與敕辨岐證疑莫縣志若父老其有意乎則愀然以兵燹屢經久矣

潼關縣志序

一 西安克勤印書館代印

不作僅清康熙歲一爲之厥後靡繼復零落殆盡計通邑不過存餘三數帙耳爾乃欣然告語夫前弗有創後莫與承吉光片羽尙足增重矧茲全帙幸免殘闕今後保存者爲余責續輯之任請共負之方相與蒐討流沫咨採墜緒適各方函電紛馳以潼關縣志催索不已新編積軸浩繁既有待夫歲月而舊志稀簡方資纂仿實難遍鑒所求爰檢舊帙鉛槧錯舛間多魯魚姑謀之邑衆相與參稽疑誤畢重爲抄謄暫翻印若干部既用以饗夫閱者亦藉擴此保存之意云爾是爲序

中華民國二十年 月 日安康羅傳甲開先甫序於潼縣署

潼關縣志序

秦爲四塞之國舉其全體而論之河西四郡通西域諸國猶尾閭也上郡以北其背脊也度棧閣則入巴蜀出商洛則走襄鄧皆枝股也惟潼關披山帶河東面而臨韓魏鄭宋齊魯諸國唐人謂其雄三輔而扼九州良非夸語秦之咽吻其在是乎在昔成周盛時建都豐鎬崇務德化此地未聞以險稱東遷之後秦有蠶食六國之心始據函谷爲白是沿漢迄唐遂無弗稱要害矣雖秦之函谷去今關一百二十里漢武好大更徙而之新安唐天授甲始建關於今地其建置不同稱名亦異而總以一關綰全秦之口莫不遣重臣設重兵以守之今

潼關縣志序

二 西安直隸印書館代印

聖人在宥文德覃敷薄海內外罔不臣服載籍所稱橐矢戢干放牛歸馬之盛復覩於茲日則此地似亦無關於輕重之數然秦爲

神京右臂寧可以世際昇平而泄泄沓沓於王公守國之意遂漫不留之意哉予不佞濫筦茲關鎖鑰抵官之後單騎按行郊野求古人之遺蹟茫然無有識者博訪文獻亦苦無徵間謀之於郡丞撫民唐君君固夙有志於修舉廢墜者乃以其所藏弄鄉大夫楊君衛志抄本一冊示予受而卒讀而嘆作者之用意誠遠矣他郡國之志雖山陬海澨最稱僻左之區而語山川則十洲三島咸在几席語人物則伊周魯閔比處里閭語門第則

巷皆烏衣馬糞之家也語土產則物皆南金東箭之良也言雖美玉卮何當茲志舉其凡亦略如郡國之體而其言質而不夸核而有徵無文勝之謂且兵志一篇於古今戰守之已事言之不厭其詳蓋使人知潼志之作其所重固在此而不在彼也楊君由名進士出宰百里清操惠政雅稱清白吏子孫解組歸田文詠日富乃於蟬穿鼠齧之餘保此一冊以爲後人考鏡予嘉其意爰付剞劂俾覽者識全秦之要害所在以正養頤而不爲臟腑之患則茲編亦經世之一助已

時

康熙二十有四年歲次乙丑季夏之吉

潼關縣志

序

陝西承宣布政使司分守潼商道參政東魯高夢說撰

潼關縣志序

縣之不可無志也與州縣等况潼關實雍梁門戶粵稽秦漢以還下逮三唐五季之世兵戈百戰莫不以此爲必爭者焉則志焉益亟然自予承乏茲土見蕭然荒郭如在山僻之鄉卽有二縉紳士大夫家皆寄居他邑潼之城無其人也且潼之城北頽缺不完而潼之河失其故道稍徙而東河故有橋則修未卒業一瓦礫場耳視予幼時每讀史傳間稱說潼關勝絕寰區不知其壯偉雄麗當何如者而今顧若此耶爰徵志於衛衛守土官茫無以應由是間與遺老問所疾苦大都始於明之季世流氛蹂躪不啻再三繼自今又有滇蜀逆藩之亂加以西土反覆邊陲不寧凡問罪之師絡繹西征者潼獨當其衝潼故無事而受多事之苦反深且酷又於庚申夏五潼水暴發漂沒居民不下千數百口屋宅器皿皆逐波浪而去卒之衝陷北門水入黃河而後城中之害乃始得息不然幾無潼矣嗟乎潼民之顛連一至此哉顧惟潼民之顛連既至於此是以潼之河徙者潼之城圯者非不欲復其故而整其新而其如民力旣竭猝難慮始此兩載以來予之所獨爲焦勞而苦無倡予和汝者也乃今乙丑春王

潼關縣志序

藩憲參政高公建節來潼首閱城垣次詢河道繼亦徵志於衛因一日慨然顧謂予曰潼有三不朽業子其盍圖之予曰唯唯

愚何敢以圖之雖然竊嘗念及於斯大約城與河之所急在費有其費卽可以舉況今

天子布詔四方凡城之頽未修者大小臣工咸殫力以完厥緒甚鉅典也凡受事於潼者觀茲荒略敢不敏勉以克底有成而河之工卽於焉並戒而無難已至於志之所急不獨在費也是非搜羅舊本爲之芟所有餘補所不足未見可以師心而自得者也予向於潼之紳楊君諱端本者乞得一抄稿楊君卽謂非志之本來而從此加以綜核修纂之力庶幾可以追蹤往牒也已因以其稿呈焉無何浹月之後參政公復一日慨然謂予曰今城工雖鉅業已發輒河因附舉焉將來獲告成功皆吾與子

潼關縣志

序

五 西安克興印書館代印

之所快意者也其志之一書卽未遑過爲踵事以增其華乎然從子之本稍葺而爲之敘次殆亦犁然具舉已子實始其謀子不可以無言予曰唯唯愚亦何敢言愚亦惟曰衛之不可無志也與州縣等况潼關哉若夫潼之城之圯其北也潼之河之徙而東也皆不可不復其故而整其新也又與衛之不可無志等今自我參政公之來志之無者自無而有城之圯河之徙者復其故而整其新皆已次第舉行拭觀奏績是卽所謂潼城三不朽業得我參政公而一旦兼美焉宜乎其與潼城偕不朽已愚更何敢言哉用是謹書之冊以復我參政公之命云若夫修城與河別有碑記刊立衛城亦卽附載於志其詳不更贅於茲

時

康熙乙丑中秋之望西安府撫民同知山陰唐咨伯題於潼關
分署

潼關縣志

序

六

西安克興印書館代印

潼關縣志序

乙丑春

藩參高公祖

簡命蒞關初下車周覽城郭山川眺關河形勝慨然太息謂撫民唐公祖曰茲關也全秦門戶要害胡民物凋敝乃爾文獻其可徵乎

唐公以公命問志於余先是丁酉

兵憲荆峴湯公謀修關志而兵燹圖籍焚毀余於華郡得殘帙多漫漶斷缺稽考茫昧乃依據殘卷廣蒐博詢草纂成帙未果梓隨復散佚因從敝簾中復揅理殘藁呈公鑒裁公研核諮衆

潼關縣志序

七

世宗嘉靖甲子

增漏飭樸操議折中於史採舉洵爲宗又以同社無雙楊公老於典故令補所未備爲序於首端書成捐貲將付剞劂命余爲序余不敢辭不斐夫志者紀事之乘也自班孟堅創志地理後世郡有志州邑有志而關志則寥寥不概見蓋以關兵戎之區耳境域多附郡邑故不志若潼則古桃林寨函谷廢而爲雍州咽喉明代屬直隸與山海居庸紫荆等稱神京要疆屹然壯金湯於三輔者其山川城郭則歷歷也編屯戶口則錯列也官師職守則濟濟也其賦稅征輸則任土作貢也庠序人文則選造蒸蒸也先賢勳業文藻則秩秩炳煥也無不與郡邑同雖周秦以前無所考而漢晉隋唐以及宋元歷數千年其間帝王肇

興無論開創守成攻守戰伐凡有事於秦者靡不以關爲阨塞
險阻以決成敗安危之機昔人謂關門固則全秦固全秦固則
京畿固潼關者九州之樞也烏可不志且自逆闖陷關以來城
社之頽圯者幾何矣建置之變易者幾何矣土田之蕪荒者幾
何矣貢稅之增益者幾何矣轉輸之困敝屯戶之消耗者幾何
矣文士之廢業輟講誦者幾何矣嗟乎當事者卽欲權因革損
益之數爲補偏救弊之方顧安所援證而從事乎是愈不可以
不志然而四十年來從未有能脩廢而起墜者不大可浩歎也
哉我公以東魯名世旬宣茲土廉以率屬靜以安民肅綱振紀
政理而人和且勞勞夙夜捐俸繕脩諸大工以登興百廢唐公
潼關縣志

序

八

西安克興印書館代印

刑政清肅撫惠商民卓最傳於京兆兩公者潼商半壁之天寶
嘉賴之乃又徵文考獻孳孳注意於潼志一書修百年之曠也
備一方之掌故吾知披圖而按以之審疆域扼要以之察職司
官守以之課人文隆替以之咨民生凋瘵而固封疆厚綏集覃
政教變澆漓端在於是不大有造於潼哉不寧惟是樹德者百
年樹名者百代將使後之人官斯土者景前賢治績而永譽之
心油然而生斯土者親往哲懿行而貞廉之感勃然而起則
兩公之昭示來茲以標準勸懲而爲人心風俗之激勵者且萬
世不渝矣古云安不忘危又曰在德不在險今

國家際清晏平成之盛固無此疆彼界乃兩公德化洋溢康阜

巖關爲綢繆桑土之計其以保障關門者保障全秦鞏上游建
瓴之勢奠

神京磐石之安經綸天下之大業不於是而見之哉兩公之覽
關河而歎息也意在斯乎意在斯乎余潼人竊有厚幸焉
康熙二十四年歲次乙丑菊月穀辰潼人楊端本謹撰

潼關縣志

序

九

西安克興印書館代印

潼關縣志序

間嘗披輿圖天下之郡邑皆有志亦不盡皆有志何也志亦難言之矣境內地方雖有名山大川奇績盛烈若不遇具特達之才秉龍門之筆者爲之廣搜遠攬彙集成帙後之人欲考鏡無從卽忠孝節烈亦徒付之荒煙蔓草磨滅無聞已爾茲何幸大參高老公祖東魯俊傑一代儒宗奉

命持憲節於潼地甫下車仁心仁聞百廢備舉又加意於採風問俗搜求前哲名卿遺冊慨然有繕脩縣志之意方慮文獻無徵不能副厥懷來適樹滋楊臨淄公以所著潼關縣志一編呈覽

潼關縣志序

十

西安府興印書館代印

高老公祖深嘉其事喜其文欲授梨又恐前徵往蹟有所遺漏執卷示余俾更廣搜細探以序之蓋臨淄公與余累世通家班荆素契其人穎悟天成抱冰勵志濡兔則英辭霞爛揮塵則名理風生有詩稿行世人爭膾炙之今又閱縣志一編博綜核詳其名卿巨公所以著不朽之烈也其孝子節婦所以發潛德之光也其山川物產所以彰天府之雄也臨淄公雖著述甚富於是編尤爲經世鴻文焉使不遇高老公祖總集其成亦不過藏之篋笥以俟其人而焉能驟公諸世哉是知臨淄公之與

高老公祖皆精神有以感召之而遇合非偶然也由茲發刊成書公諸海內是文以人傳而人亦以文傳已余生鄉鄙孤陋無

聞亦間採三五往蹟以附之於是乎序
時

康熙二十有四年歲次乙丑孟秋之吉潼人楊國士撰

潼關縣志

序

十一

西安克興印書館代印

關圖

治圖

境圖

編屯圖

形勢圖

古關圖

八景圖

雄關虎踞

黃河春漲

中條雪案

秦嶺雲屏


風陵曉渡

禁溝龍湫


譙樓晚照

道觀神鐘


衛治圖





境圖



編屯圖



形勢圖



古關圖

